

sanjvwz

Yawz Bae Caeuq Vunz Gap Baengzyoux

如何与别人交朋友

□Luj Sauh Ranzso

Bouxvunz mbouj dwg yungh mwngz moix baez gaujsi ndaej geijlai faensoq daeuj dagrau, hix mbouj dwg yungh gyau geijlai boux baengzyoux roxnaeuz mwngz geijlai saundei mbauqndei daeuj dagrau, neix gak boux vunz ndawsim gag miz diuz cik ndeu, gag miz ganj caengh ndeu.

Boux vunz mbouj dwg naeuz gaengawq mwngz baenzlawz anbaiz saedceij daeuj dagrau, hix mbouj dwg naeuz mwngz caeuq bouxlawz baedauq hwnjroengz bouxwnq couh siengj bae gauxca, neix gak boux vunz gag miz aen yenzcwz ndeu. Caeuq bouxlawz gap baengzyoux gap geijlai boux baengzyoux daengzlaeng baenzlawz doiq bouxwnq daeuj gangj gaenbonj mbouj yungh bouxwnq bae ceijdiemj.

Boux vunz mbouj dwg naeuz yungh mwngz daenj buhvag ndeirwix daeuj dagrau, hix mbouj dwg aeu mwngz singqgaep hozunq daeuj dagrau, neix gak boux vunz gag miz singqcingz swlgeij.

Yienghneix, boux vunz raeuz dauqdaej yungh diuz cik lawz daeuj dagrau ne?

Gou nyinhnaeuz dwg baenzneix, dwg youz mwngz vih vunzlai roxnaeuz bouxwnq daiq daeuj geijlai vaiqvued geijlai sienghaih dagrau, dwg youz

mwngz soj gangj soj guh doiq bouxwnq daiq daeuj gijmaz leih'ik gijmaz sonjsaet bae dagrau. Dagrau boux vunz youq ciuhvunz ndawde dwg mbouj dwg caeuq vunz doxhuz doxndei, haengjgyaez bang vunz, neix ndaej dangguh gij ndei daeuj danqhaenh; danghnaeuz ciengzseiz vih di siujsaeh couh fathuj caeuq vunz doxceng doxndaq caemhcai q doxmoeb, neix dangyienz couh wnggai dangguh lingh cungj vah daeuj gyangzheiq lo.

Dagrau boux vunz couh dwg mwngz guh ok moux cungj buenqduenh, guh ok gij buenqduenh neix yenzynh dwg gijmaz; dagrau boux vunz couh dwg yawj mwngz dauqdaej yawjsiuj roxnaeuz ienq-haemz bouxlawz; dagrau bouxvunz hix baugvat mwngz ndaenq bouxlawz mwngz lau bouxlawz, caemhcai q baugvat mwngz baenzlawz gyaeuj ngunh mbouj rox faplwd baenzlawz bae bauqcaeuz bouxlawz.

Dagrau bouxvunz dangyienz hix baugvat gij gyaez ndawsim, aeueiq gingqcungh bouxwnq, hix nangq-daengz mwngz baenzlawz bae beizyangj gij ganjcingz neix. Engq youqgaenj dwg, dagrau bouxvunz dwg yawj mwngz dwg mbouj dwg yungh

diuzmingh mwngz bae nyinhdumz aensim bouxwnq.

Cijmiz mwngz senj aeu gij fuengfap ndei daeuj yingjyangj bouxwnq, aen gietdingh neix couh dwg gij yiyi ndaw ngoenznaengz swnghhoz mwngz.

Gyau boux baengzyoux ndeu aeu

rox baenzlawz bae docih bouxwnq naengz yungz ndaej swlgeij, gyau boux baengzyoux ndeu couh dwg cungj fukheiq ndeu, naengz caeuq bouxwnq gap baengzyoux couh dwg aen danaj caeuq gienzleih mwngz lo. Neix nanzdauh lij aeu caj bouxwnq bae son cij rox ha?



Mboqbanq Cingsib baeujbaemb gyaeu lumj veh.

Saedcaih ne, bang Yez hoenx Meij caeuq henhoh guekcoj, minz-bingh Guengjsae raeuz fazveih gij cozyung gig daih. Vihliux baujcwng yinhsoengq doxgaiq bang Yez hoenx Meij, bi 1965, daengx gih gyoebguh le 4 aen minzbingh dajyinhdonz, miz 1.2 fanh lai boux minzbingh seiqseiz cajdeq bae dajyinh. Youz swcigih gyauhdungh cijveihbu gyoebbaenz doihyinhsoengq heiqci, 1000 lai boux canghhaici minzbingh, ciengz-geiz youq diuz sienqdiegbien Cungh Yez haenx hai ci. 94 ruz minzbingh youq gwnz haij yinhsoengq haenx, dingj dwk deng caq caeuq bungq dileiz caq yungyiemj, yinhsoengq le daihliengh bang Yez doxgaiq. Vihliux boiqhab gunghginh baujhoh gwnz-mbwn guekcoj, Veiz Gozcingh daez yigen caemhcai q bauq hawj Cungh-yangh Ginhvej ndaej daengz baecinj, Namzningz Si bi 1965 gyoebguh aen minzbingh gauhbauyingz ndeu, yungh Canglienhvangq Namzningz, Cangj-vagungh Namzningz, Cangjcaqdangz Namzningz guh goekdeih, supsou gij bouxbing fukdoi q ndaw cizgungh guh guzgan, youz gij gunghginh cap youq Guengjsae haenx baij gyoengq bingdaeuz bang yinhlien, seizseiz yaek cunjbei dingihoenx feihgih Meijgoz daeuj caeghoenx soujfuj

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

Namzningz. Daengx gih daih'iek miz 3000 lai boux minzbingh camgya le gamyawj caeuq cungq nyingz coh gwnzmbwn. Gangj daengz camgya ciengjcoih roenloh, yinhsoengq dox-gaiq hwnjci roengzci, gyaq sienq-dienhvah, soujhoh giuzliengz, feih-gihcangz, ranzcang daengj hozdung neix, geq hix geq mbouj rox liux. Gunghginh youq gwnzmbwn Guengjsae dwk feihgih Meijgoz doek le, moix baez cungj dwg gyoengq minzbingh sien bae daengz giz feihgih doek haenx gonq, baujhoh yienhciengz. Bi 1967 ndwen 8 ngoenz 21, Meijgoz sam gyaq feihgih hoenxcienq ciemqfamh gwnzmbwn Guengjsae, cienzbouh deng nyingz doek, gyaq he doek roengz roggyai q bae, song gyaq doek youq ndaw dieg Guengjsae. Boux feihhingzyenz Lozbwzdwz, diuq roengz liengjgyangqdoek ngamq 10 faen

cung, doq deng gyawj cien boux minzbingh humx dwk, haep dwk de ndang saenzdedded gingz fwngz douz-yangz. De naeuz, de lij dwg caijsoq ndei, lij ndaej lix, danhseih siengj mbouj daengz, youq ndaw lueg laeg neix gig vaiq couh deng baenzlai vunz humx. De caennadang gamjsouh daengz gij rengzak cancwng gyoengq lwgminz Mauz Cwzdungh.

Veiz Gozcingh cawjguenj Guengjsae, cibfaen haeujsim ginh-cwng ginhminz doxgiet. De ciengz gangj: Bingdoi q caeuq deihfueg, youq Mauz Cwzdungh caeuq dangj-cunghyangh lingjdauj lajde, soqlaiz couh dwg ranz vunz ndeu. Moix daengz ciethung, de cungj caennadang bae daengz ginhgih caeuq goengdaeuz ginhgih doengheiq. Aenvih gij ginglig caeuq gij coengmingz de nem gij diegvih de, youq ndaw bingdoi q gig

miz veihvang, ginhgih caeuq gyoengq bing cungj saenq ndaej de, ciengzseiz yiegg de veibau gunghcoz. Youq de daiqlinx baihlaj, daengx gih gwnzlaj bing gyaez lwgminz, lwgminz yungjhu bingdoi q, gyoengq bing vih lwgminz guh saehndei, lwgminz gagnyienh cihciz bingdoi q. Guengjsae ginhcwng caeuq ginhminz gvanhaeh, itcig gig ndei, cibfaen doxhuz.

Mauz Cwzdungh naeuz: "Gyoengqbing caeuq lwgminz doxgiet guh bog dog, lajmbwn bouxlawz dwk ndaej hingz?" Guengjsae cingq dwg youq dangjcunghyangh lingjdauj lajde, ingbaengh cungj ginhminz doxgiet neix, hawj aendou baihnanz guekcoj genq lumj rinbanz nei, nanz dub ndaej soi q, mbaw geizhoengz haj aen gaksing ndingfwg itcig youq gwnz Youjyizgvanh yiegg rumz biuegyeg.

(caengz sat)